续,过即如故,但膈间留饮,愈积愈厚,则愈发愈勤,此一岁而死者也。

知死之所由去,即知生之所从来。盖非猛峻之十枣汤,驱水入大肠,以抉荡肠中燥气,病必不治。

予先慈邢太安人,病支饮有年矣。丙寅春,忽然昏迷若癫状,延医诊治,皆曰危在旦夕。予不得已,制十枣进之。夜半而利,下痰无算,明旦清醒如平人矣。

后至上海恽禹九家,其孙祥官,同乡张尔常门人也。本无病,尔常以其累逃塾,使予诊之。予诊其脉,左脉弦,问所苦,则曰胸中痛,予曰此真病也。以十枣汤方付之。明旦,大下痰涎,冷甚,以为愈矣,昱日来诊,脉弦如故。仍令服前方,下痰更多。继以姜辛五味而愈不更病矣。

丙辰冬,无锡强鸿培病,人皆目为肺劳,咳而上气,胸中满痛, 无大小便,叠被而倚息,喘声过户外,予诊其脉,沉伏而弦急。因令 服十枣汤,每服六分,日一服。每进一服,其痛渐移而下。服至四剂,始下,冲气乃平。

又能治小儿痰饮。俗称马脾风,七日见血即死。予尝治其寿 姪,时方三岁,又治潘姓小儿,名阿煦。皆以泻痰得愈。

沈石顽自治痰饮,每服药末一钱半,两服而瘥。可见猛峻之药,益人甚于参苓也。

【按】《金匮》曰:"夫有支饮家,咳烦,胸中痛者,不卒死。至一百日或一岁。宜以十枣汤。"

支饮,乃水气支撑胸膈。症见咳烦胸痛,以十枣汤逐水,否则 死机已伏。上述医案多已危重,服本方而痊愈,值得深入研究。

血分

少阳脉卑,少阴脉细,男子则小便不利,妇人则经水不通者,谓手少阳三焦水道,与肾脏具寒,水气遏于膀胱,胞中血海乃并为寒水所困。血凝成瘀,水道愈塞,故有水肿之病。无论何种利水猛